

فريق التفريغ بموقع الطريق إلى الله

يقدم

سلسلة حلقات رساله إلى
أخي الموظف

لفضيلة الشيخ : مسعد انور

رابط المادة : <http://www.way2allah.com/modules.php?name=Khotabaop-Detailes&khid=31985>

السلام عليكم ورحمة الله وبركاته

بسم الله ، والحمد لله ، والصلاة والسلام على رسول الله ، صل الله عليه وسلم ، وعلي آله وأزواجه وأصحابه وأتباعه وأحبابه ومن ولاه أما بعد .. فأخوتي في الله أخواني في الله إني أحبكم في الله ، وهذا عودٌ حميدٌ إلي هذا البرنامج الجديد والذي جعلته تحت عنوان

رسالة إلى

وجهت في الأسابيع الماضية عدة رسائل ، ووجهت رسالةً إلي أخي وحيبي المدرس ، ووجهت رسالةً إلي أخي الطالب ، ووجهت رسالةً إلي جاري العزيز ووجهت رسالةً إلي قريبي الحبيب ، وفي هذه الدقائق المباركة أوجه رسالةً إلي صاحب عملٍ لا يخلوا منه بيتٌ من بيوت المسلمين ، فما هو هذا الرجل وما هي مهنته ؟ قبيل أن أتحدث عن صاحبنا ، وأبعث له برسالتي أحب أن أبدأ هذه الحلقة ، بتحية إجلال وتوقير وإحترام وتقدير ، لكل من شارك في حرب العاشر من رمضان ، السادس من أكتوبر ، نحن اليوم في اليوم السادس من أكتوبر لما ، وافق السادس من أكتوبر العاشر من رمضان ، في عام 1973 في مثل هذا الوقت ، كان أخواننا وأعمامنا وإخواننا وبعض أبائنا يتأهبون لمعركة رهيبة ، دارت علي أرض سيناء ، أرغم الله فيها أنوف اليهود ، الذين إحتلوا بلادنا ونصرنا الله عز وجل عليهم ، ومع صيحات الله أكبر تحول خط برليف إلي خط بلوبيف ، وجاءنا نصرُ الله عز وجل ، وأخصُ بالتحية والذكر والتوقير والدعاء ، شهدائنا في حرب العاشر من رمضان السادس من أكتوبر وجرحانا ، الذي لقي بعضهم ربنا وبعضهم علي قيد الحياة ، أسأل الله عز وجل أن يتقبل شهدائنا في حرب العاشر من رمضان ، وأن يجعلهم في أعلي عليين مع النبيين والصدقين والشهداء والصالحين ، وأن يحتم لمن بقي منهم علي قيد الحياة بالخاتمة الحسنة ، وأن لا يلقي الله أحدٌ منهم بقي إلي الآن علي قيد الحياة إلا وربنا عنهم راضٍ ، اللهم آمين ، كذا أوجه تحية إجلال وتقدير لكل إخواننا في الدول العربية ، الذين دعمونا في هذه الحرب بالقوات العسكرية ، شاركت معنا دول بأعدادٍ من قواتها العسكرية والذين دعمونا بالأموال ، والذين دعمونا بسلاح البترول ، وأخصُ بالذكر الملك فيصل رحمه الله ، اللهم أعد للمسلمين أمجادهم ، اللهم وحد بلاد المسلمين علي كتابك وعلي سنة رسولك ، اللهم حرر أرض فلسطين ، اللهم تقبل شهدائنا في كل المعارك التي خضناها ضد أعداء الإسلام ، اللهم فرج كرب المكروبين في أرض فلسطين ، اللهم فرج الحصار عن غزة ، اللهم تقبل شهدائنا في حرب العاشر من رمضان ، برحمتك يا رحمن يا رحيم ، أحبتي في الله لقاؤنا في هذه الدقائق المباركات مع صاحب مهنته صاحب عملٍ ، لا يخلوا منه تقريباً بيتٌ من بيوتنا ألا وهو الموظف ، عنوان الحلقة

رسالة إلى أخي الموظف

تقريباً لا يكادُ يخلوا بيتاً من بيوتنا من موظف ، سواء في قطاع عام أو في قطاع خاص ، والوظيفة تبدأ من عامل النظافة ، إلي الوزير كُل هؤلاء من الموظفين ، وعمل الموظف هو تيسيرُ الإجراءات لأصحاب الحقوق ، دي شُغلة الموظف في جُملة ، شُغلته أن يُيسر علي الناس في الإجراءات من أجل أن يحصلوا علي حقوقهم ، ولا تخلوا دولة من ملايين من الموظفين في شتى أرجاء الأعمال ، الحكومية وغير الحكومية ، وفي شتى الوزارات وفي شتى الهيئات كلامي إلي كُل هؤلاء ، كلامي إلي ملايين يعملون في الوظائف العامة والخاصة حبيبي في الله أخي الموظف ، هل شكرت الله عز وجل علي هذه النعمة ؟ أياً كان منصبك وأياً كان مركزك ، هل شكرت الله علي هذه النعمة ؟ الله عز وجل الذي أتاح لك الأسباب وهيء لك الأمور والأحوال ، فتعلمت ثم حصلت علي شهادة ، ثم حصلت علي وظيفة وأنت بنظرة واحدة في المجتمع تري عشرات الألوف من العاطلين ، بل أقول مئات الألوف أنت أكرم الله عز وجل فعلمك ، ثم حصلت علي وظيفة في زمن لا تُنالُ فيه الوظائفُ إلا بشق الأنفس ، هل شكرت الله علي هذه النعمة ؟

لم تعرف أن الله عز وجل وعد بالزيادة في النعم مع الشكر ؟ فقال جل جلاله " **وَإِذْ تَأَذَّنَ رَبُّكُمْ لَئِن شَكَرْتُمْ لَأَزِيدَنَّكُمْ** " إبراهيم: 7 أعلم حبيبي في الله ، أنك مسؤلٌ غداً بين يدي الله عن هذه الوظيفة ، الوظيفة أمانة أياً كان مركزك وزير محافظ مدير عام ، مهندس طبيب أي موظف إن شالله عامل نظافة ، هذه الوظائف أمانات وأنت ستسأل عنها بين يدي الله في الآخرة ، أعلم أخي الموظف أنك موقوف بين يدي ربك غداً ، ومسؤلٌ عن هذه الوظيفة ماذا عملت فيها ؟ فقد قال نبينا صل الله عليه وسلم فيما رواه مسلم " **كُلُّكُمْ رَاعٍ وَكُلُّكُمْ مَسْئُولٌ عَنْ رَعِيَّتِهِ** " ما نسمع إلي هذا الحديث الذي يقشع منه الجلد ويقف منه الشعر إن كان في القلب إسلامٌ وإيمانٌ روي مسلمٌ في صحيحة عن إبي ذر الغفاري رضي الله عنه وعن جميع الصحابة قال " **قُلْتُ يَا رَسُولَ اللَّهِ أَلَا تَسْتَعْمَلِنِي ؟** إديني أي وظيفة أبقى أمير ، أبقى قائد أبقى قاضي ، إجعلني علي بيت المال ، أي وظيفة يعني أي مسؤولية ، ألا تستعملني ؟ قال فضرِب بيده علي منكبي ثم قال ، يا أبا ذر إنك ضعيف وإمّا أمانة وإمّا يوم القيامة خزيٌ وندامة ، إلا علي من أخذها بحقها وأدي الذي عليه فيها " إمّا أمانة وستكون في يوم القيامة خزي وندامة إلا علي من أخذها بحقها ، وأدي الذي عليه فيها يبقى

أوصيك أخي الموظف أولاً بشكر النعمة

ثانياً أن تُعد أجوبة

سيسألك ربنا في شأنها بين يدي في عملك يوم القيامة

ثالثاً أوصيك أخي الموظف أن تعمل بجدٍ وبإخلاص

أنا أعرف أنك تُقدم الكثير ولا تأخذ إلا القليل ، أنا أعرف جيداً أن راتبك في الغالب يكفيك لنصف الشهر بالكاد ، أنا أعرف بأن وراءك مسؤوليات جسيمة وحاجيات عظيمة ، الزوجة لها طلبات والأولاد لهم حاجيات ، كُل ذلك أنا أعرفه جيداً لكن مع ذلك أوصيك أن تؤدي عملك بجدٍ وبإخلاص ، ما دُمت قد قبلت هذه الوظيفة وأنت تعلم مسبقاً أن الراتب كذا وأنه قليل ، أدي فالتبني صل الله عليه وسلم قال " **المسلمون عند شروطهم** " صحيح : ما أجبرك أحد علي أن تقبل هذه الوظيفة ، بل انت سعيت من ورائها وغيرك لهت خلفها وربما جاء بوساتك متقولش علي اد فلوسهم ده مرتب الحكومة مبيكفيش لحد يوم 10 في الشهر لا انت قبلت أدي عملك

بجد وبإخلاص واتفق الله واعلم ان النبي صل الله عليه وسلم قال : المسلمون عند شروطهم ، وابشرك اذا اديت عملك بجد وبإخلاص واديت الامانه فقد استحققت الاجر وفزت بثواب الاخره انا عارف ان كثير من الموظفين في بلدنا علي الاقل يستأهلون من زكاة المال انا لا ابالغ ولا استخف والله بل اقصد الكلام قصدا عشرات الالوف من الموظفين في بلدنا يستحقون من زكاة المال اه والله ايه مرتبه كام يعني 1000 جنيه في موظفين مرتبهم 300 جنيه موظف و200 وكسر و400 وكسر يااخي انه ييقبض في الشهر 1000 جنيه وعنده خمس عيال وامهم وعنده عيل في الجامعه و بنت في الثانوية العامة وولد في الاعدادية و2 في ابتدائي ، ها الدروس بكام والكشاكيل والكتب بكام والمجموعات ال اولاد بيقهروا عليها قهر والدروس الخصوصية ال بيحبروا عليها جبرا بكام ، والواد لو مرض هيكشف بيكام ويحجب دوا بيكام وبيكلو ويشربوا بيكام وكيلو الطماطم ب10 جنيهه الله واكبر ، والايجار بيكام والغاز بيكام والتليفون بيكام والكهرباء بيكام انا عارف انك بتعاني انا لامس المعاناه لكن انت قبلت هذه الوظيفة ما أجبرك عليها احد اذا ادي بجد وبإخلاص واتفق الله واسمع لو اخلصت النيه في عملك واديت الامانه انت لا تتصور كم من الحسنات التي ستحصلها يوميا من عملك هذا ، انا موظف شغال بخلص اجراءات بدني الختم وبراجع وبعمل ايه ايوه بس يؤدي بإخلاص عندي نيه صالحه ايه نيتي ايسر علي المسلمين ايه نيتي اجيب الحقوق للمسلمين ايه نيتي انفع امتي انفع بلدي اذا نويت هذه النوايا الصالحة يتحول عملك ال انت بتقبض عليه راتب الي عباده الي عباده واسمع الي هذا الحديث وابشر ، اسمع لكلام النبي محمد صل الله عليه وسلم واستبشر ، روي مسلم في صحيحه عن ابي هريرة رضي الله عنه وعن جميع الصحابة قال قال رسول الله صل الله عليه وسلم "من نفث عن مؤمن كربة من كرب الدنيا نفث الله عنه كربة من كرب يوم القيامة ومن يسر علي معسر الله عليه في الدنيا وفي الاخرة ومن ستر مسلم ستره الله في الدنيا والاخره والله في عون العبد ما كان العبد في عون اخيه" انت شغلتنك كموظف تيسر الاجراءات عشان الناس تاخذ حقوقها متعقدش الناس بلاش تعالي بكره ياسيد بلاش ييقي المصلحة عندك انت وتقول الموظف مش موجود او اطلعله في الدور الثالث لحد ماتزوغ أتق الله ، يمكن واحد صاحب اوراق بتاع معاش ولا عايز ختم هنا عشان يتعالج علي نفقة الدولة ولا كذا ولا كذا تقابله كويس وتضحك في وشه وتخلصه بسرعة ونيسره اجراءته يدعيك دعوة تسعد بها دنيا واخره ، مش يمكن واحد من الناس دول يكون صالح عنده دين انت قابلته كويس ويسرت عليه يقولك روح ياابني ربنا يكرمك الله يرضي عليك يقوم ربنا يرضي عليك فعلاً ، مش ممكن امرأه عجوز عقدتها في عشيتها وعماله طالعه من مصلحة لمصلحة وطالعة الدور الخامس ونازلة الدور الاول ورايحه جايه وفي ايديك تخلص تدعي عليك دعوة تشقي بها في الدنيا والاخرة فاتق الله

وصيتي الرابعه لك ياايها الموظف أوصيك بالرفق

أوصيك بالرفق عامل الناس بالراحة بالرفق الله يبارك فيك عامل الناس كما تحب ان يعاملوك به فأن النبي صل الله عليه وسلم قال فيما رواه مسلم " من احب ان يزحزح عن النار ويدخل الجنة فلتأتيه منيته وهو يؤمن بالله واليوم الآخر وليأت الناس ما يجب ان يؤتي له ، يعني عامل الناس زي ما تحب الناس يعاملوك بلاش تتكبر علي الناس سعتك المدير العام سعتك الموظف ال الامضاء بتاعتك بترفع وتترل فتنفخ علينا وتصعر خدك بلاش الله يرضي عليك اتق الله في امة محمد صل الله عليه وسلم عامل الناس برفق عامل الناس بما تحب ان يعاملوك به

فقد روي الشيخان في الصحيحين قال رسول الله صل الله عليه وسلم "لا يؤمن أحدكم حتى يحب لأخيه ما يحب لنفسه" انت تحب لما تخلص مصلحه نعمل فيك كده اتق الله في امه النبي محمد صل الله عليه وسلم يسر علي المسلمين ات الناس بما يحب ان يأتيك به الناس وقد ذم الله سبحانه في قراءنه من يعامل الناس علي خلاف ما يحب ان يتعامل معه الناس فقال جل جلاله "وَيْلٌ لِّلْمُطَفِّفِينَ * الَّذِينَ إِذَا اكْتَالُوا عَلَى النَّاسِ يَسْتَوْفُونَ * وَإِذَا كَالُوهُمْ أَوْ وَزَنُوهُمْ يُخْسِرُونَ * أَلَا يَظُنُّ أُولَئِكَ أَنَّهُمْ مَبْعُوثُونَ * لِيَوْمٍ عَظِيمٍ" المطففين 5:1 الذين اذا اکتالوا علي الناس يستوفون {ياخذهم حق تالت وملت كما يقول العامة الذين اذا اکتالوا علي الناس يستوفون شوف هم يعاملوا الناس ازاي واذا كالوهم يعني كالو لهم او وزنوهم يعني وزنوا لهم يخسرون الله اكبر ياخذ حقه كامل ولكن ميديش الناس حقها فيعامل الناس علي خلاف ما يحب ان يعامله به الناس الا يظن اولئك انهم مبعوثون ليوم عظيم كما قال نبينا صل الله عليه وسلم في الحديث الذي رواه الترمذي وغيره وهو صحيح قال " ان الله عز وجل حرم عليكم عقوق المهات ووآد البنات ومنعا وهات وكره لكم قيل وقال وكثرت السؤال واضاعة المال الحديث ده بيقولك عامل الناس بما تحب ان يعاملوك به فان لن تفعل فقد ارتكبت حرام اسمع ان الله حرم عليكم عقوق الامهات معروف ووآد البنات قتل البنات معروف ومنعا وهات يعني ايه حرم عليكم منعا وهات يعني حرم عليك تاخذ حقاك كامل وتمنع الناس حقوقهم حرم عليك ان تحب لنفسك مالا تحبه لآخوانك نعم كما اوصيك ان تبتمس في وجوه الناس الله يرضي عليك انا عارف ان عندك مشاكل انا عارف ان المدير بتاعك مزهقك وارفق في عيشتك انا عارف وانا عارف انك جاي والواد عاوز المجموعه والزوجة عايزة ايجار الشقة وعندك مشاكل رهيبه انا عارف انا عارف انك جاي ومتعلق علي السبنسة او جاي متشعبط علي باب الاتوبيس وتعبان انا عارف ، بس الناس ذنبها ايه بطلع غلبك علي الناس ليه ليه ابتسم في وجوه الناس الله يرضي عليك ، قال رسول الله صل الله عليه وسلم **تبسمك في وجه اخيك صدقة !** يعني اتكلم مع الناس باخلاق الاسلام ايوه حضرتك عايز ايه ايوه يا حجة اتفضلي السلام عليكم ورحمة الله ان شاء الله ابشر الموضوع هيخلص ان شاء الله حتي لو الورق مش عندك قوله ان شاء الله عند فلان قوله من طرف فلان كده بيقى ارفق وعامل الناس باخلاق الاسلام وعليك ان تمش وتبش في وجوه الناس ان تبتمس في وجوه الناس ان تكلم الناس بالكلم الطيب قال رسول الله صل الله عليه وسلم **الكلمة الطيبة صدقه** وقال نبينا **ان الله يعطي علي الرفق ما لا يعطي علي العنف** احيانا تروح للموظف تسال عنه مع انك رايح الساعة 10 لسة مجاش لسه مجاش ليه حضرتك ميعادك من 8 الي 2 لحد 10 مجيتش ليه طيب يجي 10 هتخش لا استني شوية بيفطر لسه لما يضربله سندوتشين فول وطعمية ويجبس بكوباية شاي طب كل وحبس تيجوا تخشوله بقا ، ها فطرت الحمد لله شربت الشاي الحمد لله السلام عليكم والله لو تكلمت علينا بعد اذن سعادتك أنا عايز الإمضاء هنا بس عايز الختم في الورقة دي فيوصلك في الورقة كده مش عندي أطع فوق لمدام فاطمة مثلا تطلع فوق الدور الخامس لمدام فاطمة تلاقبها متأخرة أو موجودة وتتكلم مع واحدة زميلتها تخش طيب استني شوية والله بيحصل وأنا شوفت ده وعابنته تيجي تدخل خليك بره شويه يا ستي أنت قاعدة على مكتبك مش الحكومة جايالك مكتب علشان عملي فيه واسطة رغي مع زميلاتك في العمل إحنا جايينلك كرسي ومكتب وبنديكي فلوس الحكومة من أموال الناس علشان تخلصي علشان تيسري مش قاعده هنا في دار الندوة نادي الجزيرة

قاعدة بتحكي استنى بره شويه ليه !!!؟ ده الوقت ده أنت متأجرة فيه لخدمة الأمة تضيعه في مصلحة شخصية إزاي اتقي الله أة تلاقيها بتعمل كروشيه أو بتغزل مش عارفه إيه ولا شغالة بالأبرة ولا جايه معاها الخضار وبتقمع البامية وبتقطع الكوسة مهازل ولا حول ولا قوة إلا بالله العلي العظيم اتقوا الله في أمة محمد يا عباد الله اعلموا أنكم مسئولون غداً أمام الله عز وجل ، أو تحش عليه تلاقيه بيتكلم في التليفون طيب سلامٌ عليكم شوووو أقعد بتكلم في التليفون بعد ما خلص يرزع السماعة بزهدق إيه يا أخي مش شايفني بتكلم في التليفون أنت معندكش ذوق يقولك كده أنا معنديش ذوق ولا أنت معندكش ضمير اتقي الله في المسلمين يا أخي اتقي الله ، أو الراجل الموظف اللي كانوا يبجوه زمان في الراديو بتاع تعالى بكرة يا سيد اللي يعقدك من عيشتك تروح له يقولك تعالى بكرة يا سيد فتروح له بعد فترة يقولك لسه بعد بكرة يا سيد ليه كده ليه كده يسروا على الناس الله يبسر عليكم أو موظف محترم تعقد قدامه تخلص ورقة يعميك من دخانه يشرب الدخان وينفخه في وشك يسممك ويخليك مدخن سلمي تقوم من عنده بالأمراض والبلاء ولا حول ولا قوة إلا بالله وممكن تلاقي وراه يافطه مكتوب عليها ممنوع التدخين بس مش له للناس الثانية الناس الوحشين إنما هو لآ ولا حول ولا قوة إلا بالله العلي العظيم

وصيحي الخامسة لك أخي الموظف : أدي الأمانة أوصيك بالأمانة أعلم أن الأمانة شأها عظيم وخطرها جليل "إِنَّا عَرَضْنَا الْأَمَانَةَ عَلَى السَّمَاوَاتِ وَالْأَرْضِ وَالْجِبَالِ فَأَبَيْنَ أَنْ يَحْمِلْنَهَا وَأَشْفَقْنَ مِنْهَا وَحَمَلَهَا الْإِنْسَانُ إِنَّهُ كَانَ ظَلُومًا جَهُولًا" الأحزاب: ٧٢ رينا يقول "إِنَّ اللَّهَ يَأْمُرُكُمْ أَنْ تُؤَدُّوا الْأَمَانَاتِ إِلَىٰ أَهْلِهَا وَإِذَا حَكَمْتُمْ بَيْنَ النَّاسِ أَنْ تَحْكُمُوا بِالْعَدْلِ" النساء: ٥٨ ويقول " يَا أَيُّهَا الَّذِينَ آمَنُوا لَا تَخُونُوا اللَّهَ وَالرَّسُولَ وَتَخُونُوا أَمَانَاتِكُمْ وَأَنْتُمْ تَعْلَمُونَ" الأنفال: ٢٧ ووصف أهل الإيمان بقوله "وَالَّذِينَ هُمْ لِأَمَانَاتِهِمْ وَعَهْدِهِمْ رَاعُونَ" المؤمنون: ٨ قال ابن كثير وهذه صفات المؤمنين الكُمَّل إذا أءتمنوا لم يخونوا وإذا عاهدوا لم يهدروا بل وصف النبي صلى الله عليه وسلم المنافقين فكان من جملة وصفه له "وإذا أؤتمن خان " " أد الأمانة إلى من أئتمنك ولا تخن من خانك " هكذا قال النبي رواه أبو داود والترمذي وصححه الألباني ، عارفين يا مسلمين أول حاجه حتضيع من دين الإسلام إيه ؟ أول شيء ستفرط فيه أمة الإسلام إيه الأمانة اسمع روى الخرائطي في مكارم الأخلاق والحديث صحيح صححه الألباني عن أنس بن مالك رضي الله عنه وعن جميع الصحابة قال قال رسول الله صلى الله عليه وسلم "ول ما تفقدون من دينكم الأمانة وآخر ما تفقدون الصلاة" الأمانة أنت يا موظف مؤتمن أدي الأمانة أودي الأمانة إزاي 1- بأن تضع الرجل المناسب في المكان المناسب ، ممكن تلاقي واحد غير أنجح منه وأذكى منه وأفلح منه وجايب تقدير في الكلية أعلى منه وعنده خبرة أكثر منه ومع ذلك إذا تقدم لو وظيفة يرفضوه ويجيبوا ابن فلان بيك أو ابن أخت المديرية فلانة أو قريب مدام فلانة أو قريب فلان بيك اتقوا الله اتقوا الله هذه خيانة للأمانة هذه ليست أمانة 2- كذا أنك تقبل الرشوة ودي مصيبة عظيمة جداً جداً جداً أنك تقبل الرشوة النهاردة مع الأسف ساد بين المصريين جمل وعبارات كلها تُرسِّخ أن الرشوة أساس علشان تعرف تخلص أي إجراء يقولك الجنية غلب الكارنيه هذا كلام يدور على ألسنة الناس ، يقولك إذا أردت أن تنجز فعليك بالونجز يقولك فلوسك أبوسك ، خلّص ، فتّح مخك ، شخسخ جييك ، فلوسك ، عبارات مع الأسف يعني بقت مشهورة جداً علشان تخلص إجراء لازم تدفع يسموها بقى هدية يسموها محبة يسموها إكرامية كل هذه خيانة للأمانة كل هذا كسبٌ حرام كل هذه رشوة و النهاردة في رشاوى

أسف في التعبير رشاًوى جنسية أصل اللى مطموع فيه كبير مينفعش ألف أو اثنين أو عشرة حتى في بعض الموظفين ونقرأ عن فضائح بعض الموظفين الكبار ولا حول ولا قوة إلا بالله كل هذا حرام يا عباد الله ، النبي صلى الله عليه وسلم علمنا أن الراشي والمرتشي والرائش الوسيط اللى بيخلص ده كلهم كسبهم حرام وكلهم في النار أدي الأمانة لا تقبل مليم من الرشوة فإن أول ما سينتن منك غداً بطنك اتقي الله روى البخاري في صحيحه عن أبي هريرة قال "ليأتين على الناس زمان لا يبالي المرء فيه بما أخذ المال أمن حلال أمن حرام" حيحي على الناس زمان الواحد ميسألش ما بيدورش كسبه ده حلال ولا حرام مش فارقه معاه المهم أنه يرص الفلوس على بعض علشان يجيب سيارة بسرعة وعلشان يجيب شقة قملك بسرعة وعلشان يقب على وش المجتمع بقى ها فيفتح الدرج يقولك دي محبة يحاول يخادع نفسه وهو في قرارة نفسه يعلم أنه نصاب أنه دجال أنه لص أنه يأكل أموال الأمة بالباطل كن أميناً أيها الموظف أوعى تقولك بعمل كده أصل حاكل عيالي منين ما هو مرتبهم ميحبش حاجه لأ محدش جبرك على الشغلة دي مرتبها مش عاجبك سيبها يا أخي أشتغل وظيفة ثانية يا أخي أعلم أن القليل الحلال يبارك ربنا فيه وأن الحرام الكثير يحق الله به البركة يا عبد الله لا تكن مثل الذي قال فيه الشاعر: **جمع الحرام على الحلال ليكثره** ممكن تعمل ثروة من الحرام بس ربنا بيعتلك معاه فيروس يدمر لك الكبد بيعت لك معاه سرطان بيعتلك معاه فشل كلوي بيعتلك معاه بؤس ونكد وغم وذنك وجحيم أتق الله كن أميناً روى الشيخان في الصحيحين عن أبي حميد الساعدي رضي الله عنه "استعمل رسول الله صلى الله عليه وسلم رجلاً يقال له ابن اللتبية على الصدقة فلما قدم يعني ابن اللتبية قال هذا لكم وهذا أهدي لي جامع الصدقات بالتمام والكمال قال أدي الفلوس بتاعت الصدقة والباقي ده هدية لي إكرامية محبة فقام رسول الله صلى الله عليه وسلم على المنبر فحمد الله وأثنى عليه وقال ما بال عامل أبعثه فيقول هذا لكم وهذا أهدي لي وفي رواية ما بالي استعمل الرجل منكم على ما ولاني الله من عمل فيقول هذا لكم وهذا أهدي لي أفلا قعد في بيت أبيه أو في بيت أمه حتى ينظر أيهدى إليه أم لا" كن أميناً لا تقبل الرشوة ولا تخادع نفسك ، معنا اتصال ، المتصل : السلام عليكم ، الشيخ : وعليكم السلام ورحمة الله ، المتصل : أزيك يا فضيلة الشيخ مسعد ، الشيخ : أهلاً وسهلاً ، المتصل : جزاك الله كل خير وبارك في علمك ، الشيخ : وإياك المتصل : من فضلك بالنسبة للموضوع اللى بنتكلم فيه بتاع الموظفين دلوقتي أنا روحت مصلحة وعارف أن الشخص اللى قدامي لازم يأخذ الفلوس علشان يقضي لي المصلحة وإلا لا يقضي المصلحة فحيكون عليه وزر أنا ولا عليه هو ؟ الشيخ : حاضر أسمع الجواب بارك الله فيك ، المتصل : جزاك الله خيراً ، الشيخ : وجزاك .

أخونا بيقول ان فيه مصلحة أخلصها الموظف كده بيقول ادفع!! أو كل شويه يرمى ورق في وشى ويقول تعالى بكره ياسيد تعالى بكره يا سيد أم الراجل الساعى اللى في المصلحة قالى ياعم ما تخلص نفسك فتح جييك يا أخي يعني فتح مخك ويعنى ايه .. انجز تقوله يعنى ايه قالى خمسين جنيه واخلصك كده كده !! طيب هل هذه رشوة اسمع اذا كان الموظف ده منعك من حقلك ولن يعطيك حقلك الا اذا اخذ هذا المال فهو مرتشى وانت غير مرتشى واذا كنت مضطر ومتقدرش تؤجل هذه المصلحة وحاولت مره ومره ومره وابدأ ولازم ياخذ رشوه عشان يخلص فهو مرتشى وانت غير مرتشى وعلى كل حال اذا فعلت فافعل وانت متالم وعلى كل حال استغفر ربك عز وجل واعلم انه يأكل سحت وانه مرتشى يأكل حرام نعم ، الشيخ : السلام عليكم ورحمة الله السلام عليكم السلام عليكم

السائل : الشيخ مسعد ؟ الشيخ : نعم تفضل . السائل : السلام عليكم يا شيخ مسعد الشيخ : وعليكم السلام ورحمة الله وبركاته السائل : احبك في الله يا شيخ الشيخ : الله يحبك ويرضى عليك السائل : اسألك سؤال يا شيخ انا شغال شغال أسطى الشيخ : شغال ايه ؟ السائل : شغال شغال مع اسطى وسباك الشيخ : ايوه السائل : بروح محلات ماشى الشيخ : ماشى السائل : بشترى منها بضاعة يعنى لصاحب الحوش مثلا لصاحب المحل صاحب البيت اللي بشتغل فيه معايا ياشيخ الشيخ : معاك سمعك السائل : ماشى ياشيخ فصاحب المحل ممكن مثلا يقولى يعنى ممكن أجييله مثلا بضاعة بيت وبضاعة بيت تانى وكده يقولى مثلا تاخذ بضاعة حاجه اشتغل بها فى شغلى انا مثلا ماكينة ؟ وصاروخ أقص به هل هذا حلال وممكن صاحب الحوش يعرف وصاحب البيت يعرف وممكن ما يعرف الشيخ : واحده واحده عليا السائل : يعنى ممكن اجيب حاجه الشيخ : اسمعنى بارك الله فيك يا حبيبي السائل : للاستعمال فى شغلى انا بس الشيخ : يا حبيبي يا حبيبي اسمعنى يعنى انت صاحب الحوش ده صاحب البيت بيقولك اشتريلى بضاعة عشان توضع البيت جميل ؟ سمعنى السائل : سمعك الشيخ : طب صاحب المحل بيديك ايه بقه ؟ السائل : بيدى مثلا ماكينة للشغل حاجه اشتغل بها الشيخ : لك خالص يعنى السائل : ماذا ؟ الشيخ : هديه السائل : من غير فلوس من غير فلوس على حسب البضاعة اللي بجيبها عنده الشيخ : طب اسمع الجواب بارك الله فيك انا راجل نقاش راجل سباك راجل نجار اى كانت مهنتى جاي اوضب شقه قلت لصاحب الشقه انا عايز بضاعة كذا وكذا وكذا قالى اتفضل الف جنية تمن البضاعة روح هناك اجيب البضاعة فالراجل ادانى صاحب المحل ادانى ماكنة بلاش عشان باجى اشتري منه بالذات بنفعه فهو ادانى انت رايح تشتري لصاحب شقه مش تشتري لنفسك انت رايح تشتري لصاحب الشقه مش تشتري لنفسك لو انت بتشتري البضاعة من مالك وتخلص شغلك وبعدين تحاسب صاحب الشقه عن الموضوع كله فى بعضه مصنعيه وتمن بضاعة اللي راجل ادهولك هذا لك انما انا مديك فلوسى تشتريلى يبقى لا تأخذ شيئا لك الا باذن روح لصاحب الشقه قولى تصدق ياريس روح لمحل طيب جدا ادانى البضاعة ارحص من بره ومع ذلك ادانى ماكنه هديه ليا انا ظنى ان اى واحد مسلم هتقوله هذا الكلام هيقولك هى لك وبارك الله لك فيها بس خلص نفسك وانت فى الدنيا والله اعلى واعلم معنا اتصال يا اخوانى الشيخ : السلام عليكم السلام عليكم السائلة : السلام عليكم الشيخ : وعليكم السلام ورحمة الله السائلة : حياك الله يا شيخ مسعد وبارك الله فى عمرك الشيخ : الله يجيبك ويرضى عليك السائلة : بارك الله فيك يا شيخ مسعد .. والله حضرتك موضوع الحلقة جميل جدا وربنا سبحانه و تعالى يبارك فى عمرك ويوصلك اعلى العليين الشيخ : الله يبارك فيك السائلة : والله حضرتك انا عندى سؤال فى موضوع الحلقة الشيخ : نعم السائلة : والله حضرتك انا اصلا كنت بردوا تعبانه وحامل فى توأم فى الشهر الاخير كل يوم فى المستشفى اطلعى فوق فى الدور الخامس انزلى تحت يعنى كده يعنى خلاص كله متوقف على امضه زى ما حضرتك بتقول كده الشيخ : نعم السائلة : صاحبة الامضه ديه نفسها مش عايزه تمضى مزاجها كده مش عايزه تمضى على دخول الولاده عشان انا ولادة قيصرية الشيخ : نعم السائلة : هيا مش عايزه تمضى دخول اصلا الشيخ : نعم السائلة : فهيا على كل اذان تقولى الامضه تحت الامضه فوق كله ماشى بس حضرتك الدكتورة اللي تحت هى الرئيسة مش راضية تمضى لازم بمزاجها هيا يعنى الشيخ : نعم السائلة : ففضلت حضرتك كده اسبوع رايح جاي رايح جاي بس مش عارفه الشيخ : لا حول ولا قوة الا بالله

السائلة : دلوقتي ده حضرتك الحمد لله ربنا كرمي ورزقني عمر وملك الحمد لله الشيخ : اللهم بارك يارب
السائلة : لكن انا بسألك الواحد يتعامل ازاي كخلق اسلامي مع الناس مثلا ديه ومثلا تدفع فلوس مثلا تحش.. في
المستشفى امبارح اللي هيا الممرضه لو دفعتها فلوس تدخلني الاول انا طبعا معنديش المبدأ ده حتى لو حلال
فحضرتك هل ده يجوز ولا ايه ؟ الشيخ : حاضر السائلة : وربنا يباركلك وادع لعمر وملك ان يكونا صالحين
الشيخ : اسأل الله ان ينبتهم السائلة : والسلام عليكم ورحمة الله وبركاته الشيخ : وعليكم السلام ورحمة الله
وبركاته اسأل الله ان ينبتهم نباتا حسنا هو كلام حضرتك ده وكلام الاخ السابق بيفكرني باللي الشيخ كشك اللي
يرجمه قاله زمان الشيخ كشك ذكر انه واحد قاله الكلام ده في السبعينات ايام بقره طوابير التمويل على الجمعيات
ايام الجمعيات والطوابير تقف الطابور عشان تاخذ فرخه الحاصل يعني رياح يعمل بطاقيه التمويل فكل ما يودي
الورق للموظف يرميه في وشه تعالى بكره يا سيد الورق ناقص والورق كامل ! وزى الفل يقوله تعالى بكره يا سيد
الراجل زهق اما ولحد قاعد كده يعني عنده خبرة قالوا يارجل فتح مخك قالوا يعني اعمل ايه قاله حط جنية في وسط
الورق وارميهوله من الشباك كان الجنية في سنة السبعين والخمسه وسبعين جنية .. حط الجنية في وسط الورق
وادهوله كده من الشباك .. فحط الجنية في وسط الورق وقاله .. مش قولتلك الورق ناقص .. قاله بس بص بص
يعني شوفه تاني الله يباركلك معلش فصاحبنا قلب في الورق كده لاقه الجنية مشرف في وسط الورق قاله اه تمام ..
تمام بس انت محتاج مستخرج تاني زى المستخرج اللي انت حتطهولي في الورق .. يعني عايز جنية كمان تحطه على
الجنية ده عشان الورق يمشي هذا كسب حرام الناس اللي بتعمل كده ناس بتأكل حرام والنبي صلى الله عليه وسلم
قال كل جسد نبت من السحت فالنار اولي به تجربة حصلت معايا شخصيا : كنت بيني وبين إحدى الشركات ..
شركات لانتاج الاشرطه الاسلاميه تعاقد فالشركة رايح مع مدير الشركة في الشهر العقاري عشان نسجل التعاقد
ده بمجموعة اشروطه وواسمائها وكذا فالول ما دخلنا على الموظفه قالت روقكم مش عندي روحوا مش عارف في
حته تانية في بلاد المسلمين مش عندي يلا روحوا حته تانية فقلتوا يلا نمشي قالي استنى بس استنى عنده خبره هو بقره
وراح دخل عليها وحاطت عشرين جنية قاهها بس بصى كويس في الورق كده بصى كويس فبصت في الورق كده
قالت اه ماشي مش تقول كده ؟ فتبص في اسماء الاشرطه اللي انا هعملها لاقت منهم شريط يعني اسمه المرتشون قالت
الله طب ليه كده ياعم الشيخ ليه كده كا أنها حسست على البطحه اللي على دماغها السلام عليكم ورحمة
الله. إتفضل. عليك السلام ورحمة الله وبركاته. وطى التلفزيون إتفضل. عم الشيخ مسعد. نعم. أنا اللي كنت إتصلت
بيك يا شيخ الفاضل من شوية الإتصال الأول أو الثالث إتصال إتفضل. ماشي يا عم الشيخ. سامعني. سامعك. أنا
صاحب المشجع أو صاحب البيت بيبقي معايا في نفس المكان. هو يسمع ويرى ويعني بيشوف قدامه بيدفع
الفلوس بس عشان أنا بروح لصاحب الخل يعني ممكن يتعامل معه أو مع حد تاني. خلاص. يتعامل معه بجيب منه
مثلاً يعني بيجبلي زبون يعني بيشغل الخل يعني بيشغل الخل طيب أسمع الجواب يعني ياعم الشيخ أسمع الجواب. هو
بيديني المكنته دي مثلاً عشان أنا جبته واحد زبون وكل حاجة بتبقي قدام صاحب الزبون صاحب الحاجة الإنسان
اللي بيأخذ الحاجة. طيب أسمعني بارك الله عليك. انا قولت لو صاحب العمل صاحب الشقة ده رضيا بذلك وإذن في
ذلك فكلها حلالاً طيباً إن شاء الله. والله أعلم، إتصال آخر يا أخواني. السلام عليكم. السلام عليكم ورحمة الله

وبركاته. وعليكم السلام ورحمة الله. بارك الله فيك يا شيخ مسعد وجزاك عنا كل خير علي ما تقدمه لنا وتفدنا به والله العظيم آمين إيه أنا عندي سؤال خاص بالحلقة إن المدرسين يا شيخ مسعد اللي هما بيعملوا الدروس طبعاً ويكبروا الطلبة علي إهم لو مدخلوش هيصقدوهم أو أي حاجة اه فأنا في معايا في البيت يعني سلفي بنتهم في تالته ابتدائي وتانية ابتدائي والجموعة اللي هي المفروض يعني مدعمة بتبقي أقل من الدرس بسبعين جنبية وبمائة جنبية أنا سلفتي بتدي لبيتها الفلوس بتقولها مش مسموحها حسبي الله ونعم الوكيل علي المدرسة فأنا حضرتك بتكلم كده يارب وأنا بدعي ربنا إن هما يسمعو عشان يعرفوا إن أهالي الناس مابتقاش مسامحه يعني فلعلهم يتعظوا يعني وجزاك عنا كل خير. حاضر. وليا سؤال تاني معلشي. إتفضلي. عايزه أعرف يا شيخ مسعد أنا يعني الحمد لله محجة من جوزي ومش متبرجة ولا حاجة الحمد لله أنا عوزه أعرف أنا لو قصيت شعري بس مدرج مش شبيهه بالرجالة يعني ولا قصر زي الرجالة بس اللي هو بيبقي مدرج هل ده حرام وللا لا وبيوصل لغيت تحت شوية بس بيبقي مدرج قصير من تحت الشعر بيبقي واصل لحد فين مغطي أفاك إيه الشعر أنتي قصتيه ولحد كنتك مثلاً لا لغيت كنتي بس مدرج لا إشكال يعني الشعر مدرج أساساً يعني لا إشكال اللي تحت خالص مثلاً بيبقي لغيت الكتف واللي فوقه بيبقي أقل شوية أق شوية. مفيش حاجة عشان أهتم بيه عشان باظ أنا عامله كده ولجوزي مفيش حد بيشوفه خالص فهل يجوز أما لا يجوز يجوز إن شاء الله. هو مشبه بالرجالة هل يجوز أما لا يجوز الله يرضي عليك يجوز إن شاء الله ده آخر إتصال يا أخواني. يجوز إن شاء الله لا بأس أما موضوع المدرسين أنا هعمل حلقة إسمها رسالة إلي أخي المدرس أرجوا إنك تغشي علي أنت وتراجعها إن شاء الله طيب أنا كنت لأوصي أخي الموظف بالأمانة ومن الأمانة طب آخر إتصال معلشي السلام عليكم سلام عليكم ورحمة الله كيف حالك يا شيخ مسعد الحمد لله بخير حال والله يا شيخ مسعد أنا بيغي تنصحي لوجه الله أنا ربنا رزقني الإقامة بمكة ماشاء الله أنا مصري ومقيم بمكة ومش عارف مش عارف إيه معايا يا شيخ مسعد الحين أصلي في الحرم أطلع من الحرم أدخن إيه الصلاة أحس إنها ثقيلة عليا إيه وفي موضوع تاني أبغي تتكلم فيه أو تخصصه حلقة إيه موضوع الكفالة يعني حسن يعني لما أشوف معظم المصريين بييجي يجدد الإقامة هنا الأخ اللي بيحسبه بيقوله أنا عايز ثمن آلاف سبع آلاف عشان أجددلك إقامتك بكده هيرجعه مصر إيه الموضوع ده أكيد أنا شايف فيه حرمانيه يعني هو بيأخذ فلوس مش من حقه نعم طيب بارك الله طب بالله عليك دلني علي الطريق يا شيخ مسعد عشان أنا تعبان حاضر أسمع الجواب. الدخان حرام ياعبد الله أنا لم أقول لك أترك الدخان لإن الدخان يدمر العافية ومن أعظم الأسباب المفضية للسرطان ولأن أقول لك أترك الدخان لأن النفقه فيه تبيذير لإن النفقه فيه حرام ولأن أقول لك أترك الدخان لإنك تؤذي غيرك والنبي قال (من ضر مؤمناً فهو ملعون) إنما أقول لك أترك الدخان لله عز وجل وتقدر لإن الدخان ماهو اللي تزين من الشيطان بدليل إنك تمكث ثلاثين يوم بليلة ثلاثين يوم في رمضان من الفجر يعني إلي المغرب شهر كل يوم من الفجر لحد المغرب بلا سجارة واحده تدخنها يعني قاعد كل يوم 12-13، ساعة أحيانا بلا سجارة مش قادر تكمل الباقي إستعن بالله ولا تعجز إتبعك علبه السجاير تحت الجسمه وإستعن بالله ولا تعجز وإبتعد عن المدخنين وإستبدل أي شئ طيب كلما تحاول كل فاكهة كل شكولاته كل كذا أشرب كذا مما أحله الله وهتقدر إن شاء الله لو عندك عزم وعندك همة هتقدر إن شاء الله وشيخنا الشيخ حسان كان له مقطع جميل جدا في شأن الدخان يعني بيعدوه في قناة الرحمة بين

الحين وموجود علي موقع قناة الرحمة يعني فيه من العظة بالغيه إن شاء الله أسأل الله أن ينفعك وإياه بما أما موضوع الكفيل اللي بيتفق مع الواحد في العقد علي كام هقبضك هناك خمسة آلاف ريار أو آلاف دينار أو آلاف مش عارف درهم حسب الدولة اللي رايحها وبعدين يغدر بيه هناك أو يأخذ جوازه ويقول هو كذا وأعمل كذا ويستغله هذا وكأنه رق وعلماءنا هناك تكلموا في هذه الأمور هناك مظالم كثيرة مترتبة علي موضوع الكفيل هذا نعم ولعلنا نيسط الكلام عنه في حينه إن شاء الله أنا بقول لكل موظف كن أميناً أدي عملك بجداً وإخلاص متقولش علي قد فلوسهم أوع تدخل بيتك جنية حرام أوع تأكل عيلك حبة رز من جنية من الرشوه النبي قال (كل جسد نبأ من السحد فالنار أولي به) اتقي الله وأعلم أن الله يُبارك في القليل الحلال ويمحق ويمحق الحرام وإن كثر اتقي الله وأدي عملك بأمانة وأعلم أن أول ما يُمتن لك في قبرك بطئك لا تُدخل جفوك إلا حلالاً. ومن الأمانة ألا تُقدم أحد علي غيره بغير وجه حق اه أنا واحد وأقف في التبور قدام الموظف عشان يخدملي الخدم هنا جاله بقي واحد قريبة أو واحد من طرف فلان بايك جايله كارت أو فلان باشا جايله كارت أو واحد قريب فلان أو واحد إداله فلوس يجيله إتفضل أقعد وحاجة ساقعة يابني إتقي الله في نفسك يمكن الناس واقفة عجائز ورجالة عجوز كبار في السن وناس مرضي إتقي الله إتقي الله أسمع إلي ماجاء في ترجمة الطبري في رسالة الميزان للحافظ بن حجر قال أبو معبد عثمان الطيوري قال حضرت مجلس ابن جليل الطبري وحضر الوزير بن الفراد وقد سبقه رجل فقلا الطبري للرجل ألا تقرأ مجلس العلم الشيخ الإمام الشيخ الطبري صاحب المُفسرين دا الطبري ها صاحب تاريخ الأمم والملوك صاحب التفسير الكبير الطبري شيخ المُفسرين قاعد كدا في الحلقة وواحد قاعد الطيوري قاعد والوزير بن الفرات جه قعد في درس العلم وواحد جه من عامة الناس من السوقه بس جه قبل الوزير فالطبري بس كده للرجل العادي ده وقاله ألا تقرأ فكأن الرجل أستحي وأشار إلي الوزير فقال الطبري إذا كانت النوبه لك فلا تكثر بدجله ولا بفرات ماهو اسمه بن الفرات فيعني جيبها بلاطفه وبلاغه ومزاح قاله يابني إذا كان دورك فلا تكثر بدجلة ولا الفرات قال بن حجر وهذا من لطافة لطلاب بن جليل ومن بلاغة ومن عدم إتفاته إلي أبناء الدنيا

هذا أيضا من الأمانة ومن الأمانة أن تأتي إلى العمل في موعده ، معادي 8 جاي 10 ليه ، معادي من 8 لـ 2 بزوغ 11 ليه ، تقول لي مورياش شغل جالس ، اجلس فأنت تاخذ فلوس نظير إن حنا حابسينك الوقت ده في مصلحة الأمة ، افتح مصحفك وإقرأ ، يجيالك شغل خلصوا ، ساعد اخوانك يا أخي ، طالما خلصت شغلك وعندك ساعتين فاضي ، متشتغل مع خوك وخلص والله في عون العبد ما كان العبد في عون اخيه ، انما معادوا 8 يجني 10 ، معادو يمشي 2 يمشيلك 12 ، هذا أيضا خيانة اوعى تقولي على قد فلوسهم ، اتقي الله ، اتقي الله ، اتقي الله ، كذا من الأمانة ألا تستخدم أشياء العمل في مصالحك الشخصية ، آه سيارة الشغل ، سيارة اشغل ، بتاعت الشغل ، آ بتعتها بالراجل السواق يجيب خضار للمدام ، هي بتاعتك ولا بتاعت المدام ، دي بتاعت الأمة ، دي بتاعت الناس ، دا الحكومة جيبها لك عشان سعادتك تيجي وتروح مستريح عشان تخلص مصالح العباد ، بتعتها للمدام ، الراجل السواق يجيب خضار للمدام ، يودي الأولاد المدرسة ، يجيب الأولاد من النادي ، خلي عندك دين يا أخي ، اتقي الله في دينك ، اعلم أنك مسؤول غدا ، التلفون إلي قدامك ده عمال بتكلم فيه مراتك هاه ، عملنا ايه عالغدا هاه ملوخية الله ، بالأرانب بردو ما شاء الله ، وعملتي الطشة ، يا رجل اتقي الله في دينك ، التليفون داه مش بتاعك مش

لمصالحك الشخصية، دا لمصالح الشغل ، لمصالح الامة، والله العظيم ستسأل عن هذا غدا ، بين يدي الله عز وجل ، كذلك اهتم بمظهرك ، مش بالضرورة تلبس غالى لكن بالضرورة تلبس نظيف ،تبقى رحتك كويسة تلبس هدوم مكوية نعم ، كذلك تعامل مع اخوانك بأخلاق الإسلام تعامل مع المرؤوسين إلي هما تحت ايدك بأنك أنت القدوة لهم أنا المدير العام أنا كذا أنا كذا أنا وزير أنا وكيل وزارة ، أنا أنا ، متنفخش عالعالم ، لا تتنفش على الخلق ، متبقاش متكبر متعجرف خليك قدوة لهم واعلم انك مسؤول عنهم غدا ، لو ظلمت حد منهم ، أو قدمت واحد مستحقش أو، مهو في بعض الموظفين يبقوا كويسين كويسين ، يقوم ياخذ شلوت لفوق، هه يشتروه في أي مصلحة ولو قطاع خاص بكرسي، فيطلع منو عجائب وبلايا ، خليك قدوة امام من هو دونك في العمل، ولا تتعالى عليهم ، ولا تقدم ولا تؤخر بهواك ، ولا تقدم ولا تؤخر بهواك، بل كافي وقدم من يجتهد و يبذل ويعطي ولا تقبل من أي أحد غيبة ولا نيممة، في بعض الناس كده واحد مدير عام ، مدير مصنع ، مدير شركة أي حاجة ، غاوي لمع أكر، غاوي يتنصت على الناس، تلاقي كده في بعض المصالح دائما فيه عصفورة ، هه أول ما يدخل المدير او البتاع يخش هاه فلان عمل وفلان سوى وفلان قال ، ويتبسط بيه اوي ، انت بتعلم الامة الحيانة ، اعلم أن من نقل لك سينقل عنك، لا تفرح بهؤلاء ولا تعطي هؤلاء أذنك واعلم أن النبي صلى الله عليه وسلم قال **لا يدخل الجنة غمام** وقع أحدهم في واحد من إخوانه أمام أحد الصالحين فقال الشيخ الصالح للنمام يا هذا ، هل غزوت الفرس ؟ قال لا، قال هل غزوت الروم ؟ قال لا ، قال له هل غزوت الصين؟ قال لا، قال له واعجبا لك سلم منك الفرس والروم والصين ولم يسلم منك عرض أخيك المسلم ، اتقي الله وكن قدوة، و أنا كموظف وفوقي بقى ناس أعلى مني، اوعى تدهن حد ، اوعى تدهن حد ، اوعى تنافق حد ، اوعى تبقى مساح كوخ ، اوعى تبقى متسلق، اوعى تبقى مدهن ، لا ، منصح ، قال رسول الله صلى الله عليه وسلم **"الدين النصيحة لله ولكتابه ولرسوله ولعامة المسلمين و أمتهم"** رواه مسلم . وروى الشيخان عن جرير بن عبد الله قال **"بايعت رسول الله صلى الله عليه وسلم على اقام الصلاة ، و اتاء الزكاة ، والنصح لكل مسلم"** في ناس مدهانة ، يخش على مديروا ، ما شاء الله عليك ، شخبطت سعادتك تخطيط لمستقبل حياتي، تنهداتك أوامر، شلوت من رجلك دفعة للأمام يافندم، طول ما انتي عالكرسي، المدح ، اتنا الذكي العبقري ، النجيب إلي ما حصلتش ، مجاش منك اثنين ، يوم ما يطلعوك برا، تبقى انتي الغبي الأحمق الكذاب أحرامي، اتقي الله ، وانصح للمسلمين ، ثم تتعامل مع زميلاتك في العمل ، في إطار العمل ، المرأة تعمل إذا احتاجت للعمل ، ملهاش حد يصرف عليها، او احتاج العمل لها ، محتاجين طيبة في كل تخصص تعالج نساتنا، ومدرسات و كذا و كذا. بس بلا اختلاط محرم ، ينضبط العمل بضوابط الشرع. ومعاملتك معاها في إطار العمل. فقط . أسأل الله عز وجل ، أن يهدينا وان يصلحنا و أن يصلح بنا انه بالإجابة جدير وعلى كل شئ قدير هو مولانا نعم المولى ونعم النصير ، أحبكم في الله ، أقول قولي هذا وأستغفر الله لي ولكم ، والسلام عليكم ورحمة الله وبركاته.

تم بحمد الله

شاهدوا الدرس للنشر على النت في قسم تفريغ الدروس [تفضلوا هنا](#) :

<http://www.way2allah.com/modules.php?name=Khotab&op=Details&khid=31985>

